

i zahtjevom poslodavca za refundaciju uz potrebnu finansijsku dokumentaciju.

Isplata dječijeg dodatka i naknade umjesto plate ženi-majci korisnicima budžeta Kantona vrši se u skladu sa rješenjem centra za socijalni rad u sklopu redovnih isplata plata.

Troškove smještaja lica u ustanovama socijalne zaštite snosi Ministarstvo, u skladu sa ugovorom koji zaključuje centar za socijalni rad sa odgovarajućom ustanovom socijalne zaštite, na osnovu ispostavljenih mjesečnih faktura.”

#### Član 13.

U članu 127. iza stava 1. dodaje se novi stav 2. koji glasi:

“Vlada Kantona može posebnom odlukom utvrditi i veće iznosne pomoći i naknada za sve oblike koji se realizuju u punom obimu.”

#### Član 14.

Iza člana 132. dodaje se novi član 132a. koji glasi:

“Član 132a.

Ministarstvo i nadležni centri za socijalni rad, u roku od 90 dana od dana stupanja na snagu ovog zakona, izvršit će potpunu reviziju rješenja korisnika prava po svim oblicima utvrđenim Zakonom izdatih do dana stupanja na snagu Zakona.”

#### Član 15.

Ministar će, u roku od 30 dana od dana stupanja na snagu ovog zakona, uskladiti propise iz svoje nadležnosti utvrđene ovim zakonom.

#### Član 16.

Ovaj zakon stupa na snagu narednog dana od dana objavljivanja u “Službenim novinama Tuzlanskog kantona”, a primjenjivat će se od 1. januara 2004. godine.

Bosna i Hercegovina Predsjednik  
Federacija Bosne i Hercegovine Skupštine Tuzlanskog kantona,  
TUZLANSKI KANTON  
Skupština Amir Fazlić, v.r.  
Broj: 01-02-382-13/03  
Tuzla, 28. 11. 2003. godine

## 276

Na osnovu člana 24. stav 1. tačka c) Ustava Tuzlanskog kantona (“Službene novine Tuzlansko-podrinjskog kantona”, br. 7/97 i 3/99 i “Službene novine Tuzlanskog kantona”, br. 13/99, 10/00 i 14/02), na prijedlog Vlade Tuzlanskog kantona, Skupština Tuzlanskog kantona, na sjednici održanoj 28. 11. 2003. godine, donosi

## ZAKON

### O IZMJENAMA I DOPUNAMA ZAKONA O POREZU NA PROMET NEPOKRETNOSTI I PRAVA

#### Član 1.

U Zakonu o porezu na promet nepokretnosti i prava (“Službene novine Tuzlanskog kantona”, br. 11/01 i 13/01), u članu 6. stav 1. tačka 1., iza riječi: “humanitarnih organizacija”,

dodaju se riječi: “i na promet nepokretnosti i prava kada su Tuzlanski kanton i općine Tuzlanskog kantona prodavci, kupci ili učesnici u zamjeni nepokretnosti i prava veće vrijednosti”.

U članu 6. stav 1., iza tačke 11., dodaju se nove tačke 12. i 13. koje glase:

“12. u slučaju udruživanja sredstava po osnovu sufinansiranja stambene izgradnje;

13. kada je u prometu novoizgrađeni stan između poreznog obveznika registrovanog za obavljanje građevinske djelatnosti i kupca.”

U članu 6., iza stava 2., dodaje se novi stav 3. koji glasi:

“Pod novoizgrađenim stanom, u smislu stava 1. tačke 13. ovog člana, podrazumijeva se stan koji se prvi puta pojavljuje u prometu i to između registrovanog poreznog obveznika za obavljanje građevinske djelatnosti i kupca. Da se radi o novoizgrađenom stanu koji se prvi puta pojavljuje u prometu uz kupoprodajni ugovor, porezni obveznik registrovan za oblast građevinarstva, dostavlja nadležnoj poreznoj upravi pismenu izjavu.”

#### Član 2.

Ovaj zakon stupa na snagu osmog dana od dana objavljivanja u “Službenim novinama Tuzlanskog kantona”.

Bosna i Hercegovina Predsjednik  
Federacija Bosne i Hercegovine Skupštine Tuzlanskog kantona  
TUZLANSKI KANTON  
Skupština Amir Fazlić, v.r.  
Broj: 01-02-338-35/03  
Tuzla, 28. 11. 2003. godine

## 277

Na osnovu člana 104. i 105. Poslovnika Skupštine Tuzlanskog kantona (“Službene novine Tuzlanskog kantona”, br. 7/03 i 12/03), Skupština Tuzlanskog kantona, na sjednici od 29. 11. 2003. godine, donosi

## ODLUKU

### o izmjenama i dopunama Poslovnika Skupštine Tuzlanskog kantona

#### Član 1.

U Poslovniku Skupštine Tuzlanskog kantona (“Službene novine Tuzlanskog kantona”, br. 7/03 i 12/03), u članu 33. u stavu 1. dodaje se nova alineja jedan koja glasi:

“- Komisija za ustavna pitanja”.

Postojeće alineje od 1 do 9 postaju alineje od 2 do 10.

#### Član 2.

Iza člana 33. dodaje se novi član 33a. koji glasi:

“Član 33a.

Komisija za ustavna pitanja:

a) prati i izvještava Skupštinu najmanje jednom godišnje o primjeni Ustava Kantona i procesu realizacije ustavnih prava građana i institucija,

b) inicira i daje prijedloge Skupštini za promjene i usklađivanje ustavnih odredbi sa promjenama u nadređenim ustavnim aktima,

c) proučava i obrađuje inicijative i prijedloge za promjenu Ustava Kantona i o njima daje mišljenje,

d) priprema tekst prijedloga akata o promjeni Ustava Kantona, stara se o provođenju javne rasprave i izvještava Skupštinu o njenim rezultatima,

e) daje Skupštini mišljenje o prijedlozima za promjenu Ustava Federacije Bosne i Hercegovine,

f) razmatra i druga pitanja koja se odnose na ostvarivanje i promjenu Ustava Kantona i o tome obavještava Skupštinu,

g) vrši druge poslove određene ovim poslovnikom i drugim aktom Skupštine.”

Član 3.

U članu 43. stavu 1. tačka a) briše se, a tačka b) postaje tačka a).

Član 4.

Član 44. briše se.

Član 5.

Ova odluka stupa na snagu danom objavljivanja u “Službenim novinama Tuzlanskog kantona”.

Bosna i Hercegovina  
Federacija Bosne i Hercegovine  
TUZLANSKI KANTON  
Skupština

Broj: 01-02-667-5/03

Tuzla, 29. 11. 2003. godine

Predsjednik  
Skupštine Tuzlanskog kantona

**Amir Fazlić, v.r.**